

+ / Drawings

la .varik. .VALefor.

September 12, 2023

# Contents

<b>1</b>	<b>le krinu ja co'e</b>	<b>4</b>
<b>2</b>	<b>le plijaspu</b>	<b>5</b>
<b>3</b>	<b>la'o zoi. 20200414042645-03 .zoi.</b>	<b>6</b>
3.1	le pamoi be lo'i velski be le pixra . . . . .	6
3.2	le me'oi .watermark. . . . .	6
3.3	le cfila be la'o zoi. 20200414042645-03 .zoi. . . . .	6
<b>4</b>	<b>la'o glibau. Proactive Security .glibau.</b>	<b>10</b>
4.1	le pamoi be lo'i velski be le pixra . . . . .	11
<b>5</b>	<b>la'oi .WESTERNUNIONSOFTHECOUNTRYWESTERNs.</b>	<b>12</b>
5.1	le pamoi be lo'i velski be le pixra . . . . .	12
5.1.1	le nu snada pe le li ci fi'u vo co'e . . . . .	12
5.1.2	le me'oi .watermark. je le plijaspu . . . . .	12
5.1.3	le se pilno . . . . .	12
5.1.4	le sinxa . . . . .	13
5.1.5	le nu pilno le versiio jitro . . . . .	13
5.1.6	lo nu nitpiki . . . . .	13
5.1.7	le selpli . . . . .	13
5.2	le cfila be le pixra . . . . .	13
5.2.1	le mabla betfu bo sluji . . . . .	14
5.3	le ka ce'u na pixra loi se tcila sirsunla . . . . .	14
5.4	le sutra pirlarfi'i . . . . .	14
5.4.1	le su'u le skina cu mabla . . . . .	14
5.5	le tsautu . . . . .	14
5.5.1	le pamoi . . . . .	14
5.5.2	le remoi . . . . .	14
<b>6</b>	<b>la'oi .HOLLYWOODFREAKSONTHEHOLLYWOODSCENE.</b>	<b>19</b>
6.1	le pamoi be lo'i velski be le pixra . . . . .	20
6.1.1	le bebnna je ba'e tordu je lisri . . . . .	20
6.1.2	zo'oi .Blah. . . . .	20

6.1.3	le selvau be le daski . . . . .	20
6.1.4	lo cfilyfacki . . . . .	20
6.1.5	le pilno . . . . .	20
6.2	le cfila be le pixra . . . . .	21
6.2.1	le taxfu poi ke'a claxu le ci cimde pe'a . . . . .	21
6.2.2	le ctino po le cukmirvelvei . . . . .	21
6.2.3	le toldu'e se tcita degji . . . . .	21
<b>7</b>	<b>la'oi .BROKEDOWNOUTINADITCHOFOLDRUBBISH.</b>	<b>22</b>
7.1	le pamoi be lo'i velski be le pixra . . . . .	22
7.1.1	le jetnu pe'a trixe pixra...je lo xamsku . . . . .	23
7.1.2	le tanxe . . . . .	23
7.1.3	lo se vasru pe'a xamsku . . . . .	23
7.1.4	zo'oi. ZZZ. . . . .	23
7.1.5	lo nu nitpiki . . . . .	23
7.1.6	le se cuxna xarci pe'a . . . . .	23
7.2	le cfila be le pixra . . . . .	23
7.2.1	le se cfifa'i be la .varik. . . . .	24
<b>8</b>	<b>la'oi .DANCINGONTHEROOFSHOOTINGHOLESINTHEMOON.</b>	<b>25</b>
8.1	le pamoi be lo'i velski be le pixra . . . . .	26
8.1.1	le vlavelski . . . . .	26
8.1.2	le torveki . . . . .	26
8.1.3	le se xamsku je zo'e . . . . .	26
8.1.4	zo'oi .SOUP. . . . .	26
8.1.5	le kadje tcita . . . . .	26
8.1.6	le batkyfoi . . . . .	26
8.1.7	le nu nitpiki . . . . .	27
8.1.8	le plijaspu . . . . .	27
8.1.9	le pilno . . . . .	27
8.2	le selji'i be fi le pixra . . . . .	27
8.2.1	le stizu . . . . .	27
<b>9</b>	<b>la'oi .ITHINKWEREGOINGCRAZY.</b>	<b>28</b>
9.1	le pamoi be lo'i velski be le pixra . . . . .	29
9.1.1	lu mi viska ma li'u . . . . .	29
9.1.2	le tcika . . . . .	29
9.1.3	le citri . . . . .	29
9.1.4	le nu le le pixra cu te gumgau . . . . .	30
9.1.5	lo nu nitpiki . . . . .	30
9.1.6	le plijaspu . . . . .	30
9.1.7	le pilno . . . . .	30
9.2	lo su'u cortu lo kanla . . . . .	30
9.3	le se frati . . . . .	31
9.3.1	le velski be le se frati . . . . .	31
9.3.2	le cumki rinka be le nu na selnei . . . . .	31

<b>10 la'oi .JUDASTRAINWRECK.</b>	<b>32</b>
10.1 le pamoi be lo'i velski be le pixra . . . . .	33
10.1.1 le torveki . . . . .	33
10.1.2 le pruce poi gasnu le nu le tsautu ku binxo le mulno pixra	33
10.1.3 le selci'a tanxe pe'a . . . . .	33
10.1.4 le plijaspu . . . . .	33
10.1.5 le pilno . . . . .	33
10.2 le selji'i be fi la'oi .JUDASTRAINWRECK. . . . .	34
10.2.1 le ctino . . . . .	34
10.2.2 le su'u dukse zmadu se gusni . . . . .	34
10.2.3 le xance . . . . .	34
10.3 le da'a versiio be le pixra . . . . .	35
10.3.1 la'o pixrycmene. JUDASTRAINWRECK-NOHANDLE-BARS .pixrycmene. . . . .	35
<b>11 ko'a goi la'oi .THROWTHOSEPICTURESDOWNTHELANE. 36</b>	
11.1 le pixra . . . . .	36
11.2 le pamoi be lo'i velski be le pixra . . . . .	36
11.2.1 le torveki . . . . .	36
11.2.2 le fanmo be le nu zasysti . . . . .	37
11.2.3 le velski be le pixra . . . . .	37
11.2.4 le mukti . . . . .	38
11.2.5 le srasu . . . . .	38
11.2.6 la'o gy. public domain .gy. . . . .	38
11.2.7 lo nu nitpiki . . . . .	38
11.2.8 le pilno . . . . .	39
11.3 le selji'i be fi ko'a . . . . .	39
11.3.1 le selji'i be la .varik. bei ko'a . . . . .	39
11.3.2 le selji'i be lo na du be la .varik. be'o bei ko'a . . . . .	40

# Chapter 1

## le krinu ja co'e

ni'o ko'a goi la'o gy. +/ Drawings .gy. cu vasru le su'o lampru pixra be fi la .varik. .VALEfor. be'o je le datni be ko'a

.i pilno zo su'o ki'u le nu selcaugau fi ko'a fe lo su'o pixra be fi la .varik. .VALEfor.  
.i lo glef'i'a pixra cu mupli le ka selcaugau ce'u

## Chapter 2

### le plijaspu

ni'o so'i da poi ke'a pixra fi la .varik. je cu selvau ko'a goi la'o gy. +/ Drawings .gy. zo'u tu'a lo velski be da cu .indika lo du'u la'o gy. CC BY-NC 4.0 .gy. ja zo'e cu plijaspu da .i ku'i ro da poi ke'a pixra fi la .varik. je cu selvau ko'a zo'u la .varik. pu gasnu lo nu la'oi .Unlicense. cu plijaspu da .ija'e la'oi .Unlicense. plijaspu lo ro pixra be fi la .varik. be'o poi ke'a selvau ko'a

# **Chapter 3**

**la'o zoi. 20200414042645-03  
.zoi.**

## **3.1 le pamoi be lo'i velski be le pixra**

ni'o zbasu le pixra ki'u le nu djica lo nu facki lo jei me'oi .viable. fa ko'a goi lo nu pilno lo sma'aci lo nu pixra kei kei je lo jei mabla fa la'oi .GIMP. poi ke'a samru'e .i la .varik. cu terxra ca le nu le mutce be le ka ce'u filselga'e cu selbi'o le su'u la'oi .GIMP. cu mutce le ka ce'u mabla kei kei je le jei ko'a me'oi .viable.

ni'o nelci lo diksiseli

## **3.2 le me'oi .watermark.**

ni'o la .varik. cu jinvi le du'u dukse le ka me'oi .watermark. ce'u .i la'e di'u mutce le ka ce'u jetnu kei ca le nu la .varik. cu pensi le du'u la .varik. cu pu fairgau lo versio be le pixra be'o poi na me'oi .watermark. ke'a

## **3.3 le cfila be la'o zoi. 20200414042645-03 .zoi.**

ni'o cfila ko'a goi la'o zoi. 20200414042645-03 .zoi. fa...

- le su'u ko'a pixra...
  - le nu le cnebo be la'oi .VUNC. cu claxu...
  - \* lo su'o ctino be le stedu be la'oi .VUNC. be'o be'o je
  - \* lo su'o sirsunla tengu kei je

– le nu lo ctino cu se xlacu le galraipau be le se viska pagbu be le zunle  
kanla be la'oi .VUNC.

vu'o po'o nai



Figure 3.1: le ciplanli pixra noi ke'a claxu lo zabna je cmene



Figure 3.2: ni'o gubyternoi le versiio be le pixra...be'o poi ke'a claxu lei kerfa  
tengu .i rigni

## Chapter 4

la'o glibau. Proactive  
Security .glibau.



Figure 4.1: ni'o zva'ati fa le nu mi'a pilno la'oi .OpenBSD. .i doi fazgau do'u  
ko na troci

## **4.1 le pamoi be lo'i velski be le pixra**

ni'o kibdu'a la'o glibau. Proactive Security .glibau. ki'u le nu filsela'e fa le nu claxu lo pixra be la .pyfis.

ni'o le su'u na kalmebykre la .pyfis. cu se krinu le nu mojrinfli lo nu pixra lo kalmebykre

ni'o la'o gy. AA-12 .gy. .u'enderfu xacyce'a

# Chapter 5

## la'oi .WESTERNUNION-SOFTHECOUNTRY-WESTERNS.

### 5.1 le pamoi be lo'i velski be le pixra

#### 5.1.1 le nu snada pe le li ci fi'u vo co'e

ni'o la .varik. cu troci lo nu pixra ko'a goi le xarpre be la .varik. be'o pe li ci fi'u vo lo'o pe'a kei je cu denpa fo le nu terxra kei pu le nu la .varik. cu terxra ko'a

#### 5.1.2 le me'oi .watermark. je le plijaspu

ni'o ji'a le pixra cu na vasru lo me'oi .watermark. poi ke'a mutce .i ku'i le pixra cu na selvau ko'a goi le mu'oi gy. public domain .gy. .i la .varik. cu ralte le krali po le pixra .i ku'i cumki fa lo nu di'u ficybi'o pe'a fi lo ka ce'u jetnu .i la .varik. cu ca'o zenba le ka ce'u djica lo nu ko'a vasru lo pixra be fi la .varik.

#### 5.1.3 le se pilno

ni'o pilno la'oi .Krita. noi ke'a mutce le ka ce'u se tolnei la .varik.

ni'o zbasu le pixra ca le nu ko'a goi la'oi .Krita. naru'e banzuka le ka ce'u masno kei lo nu to'e me'oi .feasible. fa lo nu pilno ko'a .i mupli fa le su'u le nu li ji'i ci no cu selsnidu lo nu pilno ko'a lo nu lo senta pe'a cu selvisnalka'e .i le nu ga je ko'a masno gi co'e cu krinu le nu la .varik. cu pilno la'oi .GIMP. lo nu zbasu lo balvi pixra .i la .varik. cu ponse lo me'oi .licence. be ko'e goi la'o gy. CLIP STUDIO PAINT EX .gy. je cu te selneimau la'oi .Krita. ko'e ki'u lo so'i co'e .i ranji fa le nu la .varik. cu zenba le ka ce'u nelci la'oi .WINE. pe la'oi .FreeBSD.

ni'o ze'i pilno la'oi .GIMP. pu ko'e goi le nu la .varik. cu facki le du'u la'oi .GIMP. claxu lo su'o jicmu poi ke'a se pilno la .varik. .i ko'i goi le zmiku klina senta co'e cu mupli le ka la'oi .GIMP. claxu ce'u .i ko'e krinu le nu la .varik. cu pilno la'oi .Krita. le nu mulgau le pixra<sup>1</sup>

#### **cumki fa lo nu lo fingubni je samtci cu zabna**

ni'o la .varik. cu nelci le fingubni sidbo...je ku'i cu jinvi le du'u cafne fa lo nu lo fingubni cu mabla .i lu curmi lo nu lo tolnei cu cikre lo samtci li'u xlali krinu ki'u le nu lo samtci cu na se ciksi lo su'o pilno be lo samtci .i ji'a su'o da zo'u da mabla samselpla .ije la .varik. cu na jinvi le du'u le samselpla po la'oi .Krita. cu cizra zabna

ni'o mlaуча le nabmi ki'u le nu la .varik. cu djica lo nu la .varik. cu nelci la'oi .Krita. je la'oi .GIMP. .i ku'i ga naja la .varik. cu nelci la'oi .Krita. je la'oi .GIMP. gi la'oi .Krita. je la'oi .GIMP. binxo lo na mabla

#### **5.1.4 le sinxa**

ni'o lo tcidu cu se frili lo nu facki le du'u me'oi .logo. ma kau

#### **5.1.5 le nu pilno le versiio jitro**

ni'o cumki fa lo nu kibdu'a fi la'oi .GitHub. fe le citri be le pixra .i pilno la .git. lo nu rejgau zo'e pe le pixra je cu zbasu le mlitce barda je ke citri datnyveiste kei ki'u le nu la .varik. cu djica lo nu la .varik. cu se frili lo nu la .varik. cu cple'ijdu zo'e poi tu'a ke'a .indika lo du'u la .varik. cu terxra

#### **5.1.6 lo nu nitpiki**

ni'o mutce le ka ce'u nelci lo nu xamgu nitpiki .i ku'i la .varik. cu djica lo nu lo nu nitpiki cu tilcfu kei ki'u le nu la .varik. cu jinvi le du'u lu le calta be le birka cu na mapti le ctino be le birka li'u zmadu lu le birka cu mabla li'u le ka tu'a ce'u filri'a lo nu xagzengau

#### **5.1.7 le selpli**

ni'o pilno la'o gy. ed(1) .gy. le nu ciska le velski poi dei pagbu ke'a

### **5.2 le cfila be le pixra**

ni'o la .varik. cu jinvi...

- le du'u la'oi .WESTERNUNIONSOFTHECOUNTRYWESTERNs. goi ko'a cu mabla pixra le sluji be le betfu be la'oi .VUNC. kei je

---

<sup>1</sup>.i ku'i la .varik. cu facki le du'u vu'oi la'oi .Multiply. je zo'e vu'o pe la'oi .GIMP. cu mapti...kei ba le nu la .varik. cu mulgau le pixra

- le du'u ko'a na pixra loi cmalu sirsunla bo tcila

### **5.2.1 le mabla betfu bo sluji**

ni'o la'oi .WESTERNUNIONSOFTHECOUNTRYWESTERNS. pixra le nu mabla fa le calta be le betfu sluji be fi la'oi .VUNC.

.i le nabmi cu se rinka tu'a ko'a goi le tadji be le nu la .varik. cu terxra lo betfu sluji .i ko'a pruce fo le nu pixra lo nonkansa pe'a sluji

## **5.3 le ka ce'u na pixra loi se tcila sirsunla**

ni'o ko'a goi la'oi .WESTERNUNIONSOFTHECOUNTRYWESTERNS. cu pixra le nu na nacmatilcfu fa lei sirsunla po la'oi .VUNC. .i zbasu ko'a ca le nu la .varik. cu mojrinflfi lo nu jmina lo cmalu sirsunla bo tcila ko'a

## **5.4 le sutra pirlarfi'i**

ni'o la .varik. cu skicu ja co'e le nu zbasu la'oi .WESTERNUNIONSOFTHECOUNTRYWESTERNS. kei fo le se .urlja co'e be zoi zoi. <https://diode.zo/ne/w/vR9yipHTfuaH3SKPiEXFLm> .zoi. je zoi zoi. <https://vimeo.com/635651456> .zoi. .i ku'i ji'a cumki fa lo nu lo mabla jifkri cu catlu le skina kei ki'u le nu le skina cu kibzva la'o .url. <https://www.youtube.com/watch?v=0wyF7okop64> .url.

### **5.4.1 le su'u le skina cu mabla**

ni'o le skina po le sutra pirlarfi'i cu milxe le ka ce'u mabla le ka demri'a ce'u xi re

ni'o lakne fa lo nu mabla ki'u le nu la .varik. cu pilno le la'oi .AVI. pruce poi ke'a se sumti lo no co'e ku'o po la'oi .FFMPEG. goi ko'a le nu rejgau le lisri skina .i mabla fa le mutce cirko rinka pruce po la'o zoi. H.264 .zoi. ge'u pe ko'a

## **5.5 le tsautu**

### **5.5.1 le pamoi**

ni'o milxe mabla pinsi bo tsautu fa le pamoi be lo'i versiio be la'oi .WESTERNUNIONSOFTHECOUNTRYWESTERNS.

### **5.5.2 le remoi**

ni'o ko'a goi le remoi be lo'i tsautu be ko'a goi la'oi. WESTERNUNIONSOFTHECOUNTRYWESTERNS. cu pamoi lo'i tsautu be ko'a be'o poi ke'a milxe zabna je poi la .varik. cu pilno lo pinsi ja zo'e lo nu la .varik. cu terxra

fi ke'a .i ku'i ko'a binxo pe'a le vektori pixra poi ke'a kibzva la'o .urli.  
<https://github.com/varikvalefor/drawingstuff/blob/master/50x/toolbox/toolboxsketch002.svg> .urli.



Figure 5.1: le pixra je nai lo se tcidu



Figure 5.2: le pa moi be lo'i tsautu be la'oi  
.WESTERNUNIONSOFTHECOUNTRYWESTERNS.



Figure 5.3: le re moi be lo'i tsautu be la'oi  
.WESTERNUNIONSOFTHECOUNTRYWESTERNS.

## Chapter 6

la'oi .HOLLYWOODF-  
REAKSONTHEHOLLY-  
WOODSCENE.



Figure 6.1: la'oi .HOLLYWOODFREAKSONTHEHOLLYWOODSCENE.

## 6.1 le pamoi be lo'i velski be le pixra

### 6.1.1 le bebna je ba'e tordu je lisri

ni'o le ctemidju cu tcika le nu lo prenu goi ko'a cadzu lo klaji .ije ko'a jibni lo dikca fatri dinju .ije le prenu poi se viska lo tcidu ku'o goi ko'e klama ko'a lo cmaticu

.i ko'a simlu le ka selspaji .ije ko'e cusku lu doi le verba .i xu do djica lo fingubni proga li'u

.i le tcidu cu kakne le nu jivbi'o lo jei fitytu'i

### 6.1.2 zo'oi .Blah.

ni'o gubgau le bebna je se xamsku

ni'o le pixra cu bebna je se xamsku .i le nu la .varik. cu terxra cu pamoi lo'i jetnu ju'anai nu la .varik. cu terxra lo bukpu

### 6.1.3 le selvau be le daski

ni'o le se tcita be zoi gy. 7.0 .gy. be'o fa'u le se tcita be zo'oi .13. cu cukmirvelvei la'oi .OpenBSD. fa'u la'oi .FreeBSD.

#### le cuktermai

ni'o la .varik. cu djica le nu le pixra cu sitna le ziljmina proga kei ca'o le nu la .varik. cu zbasu fo'a .i da poi sidbo zo'u da na temsepcau mulno pe'a

#### le kosta daski

ni'o racli fa lo nu lo tcidu cu sruma le du'u le daski cu vasru lo velski be lo te samrkompli po le sambau poi ke'a xi re se pilno la .varik.

#### le ni co'e

ni'o la .varik. cu djica le nu le pixra cu sitna le ziljmina proga kei ca le nu la .varik. cu zbasu fo'a .i ku'i da poi sidbo zo'u da na temsepcau mulno pe'a

### 6.1.4 lo cfilyfacki

ni'o lo nu cfilyfacki cu roroi zanvi'e

### 6.1.5 le pilno

ni'o pilno la'oi .GIMP. le nu zbasu le pixra

ni'o pilno la'o gy. ed(1) .gy. le nu ciska dei

## **6.2 le cfila be le pixra**

ni'o le su'o prenu poi ke'a na du la .varik. cu facki le du'u lo pelji cu se smimlu le taxfu poi ke'a se pixra la'oi .HOLLYWOODFREAKSONTHEHOLLYWOODSCENE. goi ko'a

ni'o si'a la .varik. cu facki le du'u le cukmirvelvei poi ke'a se pixra ko'a cu smimlu lo pelji kei je le du'u ko'a pixra le nu le degji cu toldu'e se tcila

### **6.2.1 le taxfu poi ke'a claxu le ci cimde pe'a**

ni'o lo so'o prenu cu xusra ko'a goi le du'u le taxfu be la'oi .VUNC. ku'o poi ke'a se vasru la'oi .HOLLYWOODFREAKSONTHEHOLLYWOODSCENE. cu claxu le ci cimde pe'a je cu smimlu lo pelji ja zo'e

.i la .varik. cu tugni fi ko'a

.i la .varik. cu ci'au fu'au le su'u mutce le ka ce'u xajmi kei fa le nu dasni lo veljmina be lo pelji kista je lo pelji nercreka je lo pelji creka vu'o poi ke'a claxu lo trixe

### **6.2.2 le ctino po le cukmirvelvei**

.i la .varik. cu jinvi le du'u le velvei cu tamsmi fi lo pelji jenai cukmirvelvei .i cumki fa le nu le nabmi cu se rinka le nu le velvei cu mutce le ka ce'u tolkli

### **6.2.3 le toldu'e se tcita degji**

ni'o la .varik. cu jinvi le du'u ko'a pixra le nu le ka ce'u sampa cu se dukse le tarmi be le degji be la'oi .VUNC. .i je la .varik. cu jinvi le du'u ko'a pixra le nu lo degji be la'oi .VUNC. cu dukse le ka ce'u lijypanra pe'a ru'e lo degji be la'oi .VUNC.

## Chapter 7

la'oi

.BROKEDOWNOUTINADITCHOFLDRUBBISH.



Figure 7.1: .i le pixra cu du le pixra .i xu kanpe tu'a lo kacmyxra be lo snuji  
be loi xajre'u .i doi xlabebeba ko na xlabebeba

### 7.1 le pamoi be lo'i velski be le pixra

ni'o le cnino pixra cu gubni

### **7.1.1 le jetnu pe'a trixe pixra...je lo xamsku**

ni'o le pixra je cu se cmene zo'oi .BROKEDOWNOUTINADITCHOFOLDRUBBISH. cu pamoi lo gubni pixra be fi la .varik. ku poi ckaji lo jetnu pe'a trixe pixra je no lo stodi zilska je no lo sucta .i ji'a zo'oi .BROKEDOWNOUTINADITCHOFOLDRUBBISH. vasru lo so'u se xamsku

### **7.1.2 le tanxe**

ni'o cumki fa lo nu lo tcidu cu sruma le du'u le tinsypleta'e poi ke'a vasru le xarpre poi zutse cu se tsagau jenai cu se marxa lo cmalu junta .i ji'a le tcidu cu cumki sruma le du'u le vorme pe'a po le tanxe cu se vasru le tanxe ja cu se vimcu

### **7.1.3 lo se vasru pe'a xamsku**

ni'o le pamoi versio be le pixra cu se vasru pe'a xamsku .i ciska le se vasru pe'a xamsku le tanxe .i ku'i la .varik. cu pu .uaigri jivbi'o le du'u le se vasru pe'a xamsku cu na mutce le ka xajmi kei kei je cu vimcu le se vasru pe'a xamsku

### **7.1.4 zo'oi. ZZZ.**

ni'o le nu zo'oi .ZZZ. se pixra cu .indika le du'u le xarpre cu sipsavgau .i le nu le xarpre cu sipsavgau kei .indika le du'u le xarpre sipna .i ku'i zo'oi .ZZZ. kampu sipsav bo krati ki'u ma

### **7.1.5 lo nu nitpiki**

ni'o lo nu nitpiki cu za'o se nelci

### **7.1.6 le se cuxna xarci pe'a**

ni'o pilno la'oi .GIMP. le nu zbasu le pixra .i pilno lo xance degji .ualdo le jetnu pe'a pixra bo gunka

ni'o pilno la'oi gy. ed(1) .gy. le nu ciska dei

ni'o la'oi .GIMP. je la'oi gy. ed(1) .gy. bajra pe'a la'oi .OpenBSD.

## **7.2 le cfila be le pixra**

ni'o selji'i fi ko'a goi la'oi .BROKEDOWNOUTINADITCHOFOLDRUBBISH. fa...

- le du'u ko'a toldra pixra...
  - le jamfu be la'oi .VUNC. be'o je
  - le tanxe kei

vu'o po'o nai

### **7.2.1 le se cfifa'i be la .varik.**

ni'o la .varik. cu jinvi...

- le du'u ko'a goi la'oi .BROKEDOWNOUTINADITCHOFOLDRUBBISH.  
cu toldra pixra...
  - le jamfu be la'oi .VUNC. be'o je
  - le tanxe kei

vu'o po'o nai

### **le ka ce'u mabla pixra le jamfu be la'oi .VUNC.**

ni'o la .varik. cu jinvi le du'u ko'a goi la'oi .BROKEDOWNOUTINADITCH-OFOLDRUBBISH. cu toldra pixra le jamfu be la'oi .VUNC. kei ki'u le nu la .varik. cu jinvi le du'u ko'a pixra le nu le jmadegji be la'oi .VUNC. cu dukse le ka ce'u sampa je me'oi .rectangular.

### **le ka ce'u mabla pixra le tanxe**

ni'o la .varik. cu jinvi le du'u ko'a goi la'oi .BROKEDOWNOUTINADITCH-OFOLDRUBBISH. cu toldra pixra le tanxe poi ke'a vasru la'oi .VUNC. kei ki'u le nu la .varik. cu jinvi le du'u ko'a pixra le nu le darno je mlapau be le tanxe cu mleca le jibni je mlapau be le tanxe le ni ganra

## Chapter 8

la'oi .DANCINGONTHE-  
ROOFSHOOTINGHOLES-  
INTHEMOON.



Figure 8.1: ni'o le mulbi'o versiio be la'oi  
.DANCINGONTHE ROOF SHOOTING HOLES ON THE MOON. ni'o le nu  
viska lo ro tcila cu frili zo'e le nu pilno lo banro blaci...ja lo cmactatci

## **8.1 le pamoi be lo'i velski be le pixra**

ni'o .ue'i lo ziljmina pixra cu gubni

ni'o pixra le roldje tcini .i ku'i sorpa'a lo nu le pixra cu na mutce le ka ce'u tolzdi

### **8.1.1 le vlavelski**

ni'o zo'oi .VUNC. krati le xarpre be la .varik.

### **8.1.2 le torveki**

ni'o le pixra cu pixra le nu la'oi .VUNC. jibni je cu galfi lo proga...je cu tcidu lo xlali kibzva bo notci kei

### **8.1.3 le se xamsku je zo'e**

ni'o le pixra cu simsa le da'a pixra be fi la .varik. li ni'e ni se vasru lo se xamsku .i le tcidu cumki ciksi le xamsku .i ku'i ji'a le pixra cu vasru le emalu jikske bo ckipinka .i ji'a le tcidu cu cumki skicu le emalu jikske bo ckipinka

### **8.1.4 zo'oi .SOUP.**

ni'o zo'oi .SOUP. poi simlu lo bebna cu zvati ki'u le nu la .varik. cu na djuno le du'u selfladra le nu le pixra cu zifre vasru le pamoi kacmyxra .i le nu na te nunflapai la .varik. cu frili la .varik. le nu le velski pe'a be le kacmyxra cu basti le pamoi kacmyxra

ni'o zo velski cu sidysmu ki'u le velski pe'a cu na mutce le ka skicu .i lo zenba velski velski be le pamoi kacmyxra cu du lo'u lo tcesedemri'a kacmyxra be lo kabri poi se vasru lo .alfabeta stasu le'u

### **8.1.5 le kadje tcita**

ni'o le se tcidu po le kadje tcita cu du zoi gy.

#### **WARNING**

Attempting to service this device may result in bodily harm. The device is safe, but our servicemen have pipe wrenches and want your money.

.gy.

### **8.1.6 le batkyfoi**

ni'o le pixra cu pixra le nu la'oi .VUNC. pilno le batkyfoi .i ku'i le batkyfoi naseviska .i ku'i je se cumki le nu le du'u la'oi .VUNC. pilno le batkyfoi kei

zenba xamgu se .indika

### **8.1.7 le nu nitpiki**

ni'o lo nu nitpiki cu za'o se nelci

### **8.1.8 le plijaspu**

ni'o le pixra cu selxrapra je cu selplijaspu la'o gy. CC BY-NC 4.0 .gy. .i le mulno tcidu po ti poi selplijaspu cu xabju pe'a la'o gy. <https://creativecommons.org/licenses/by-nc/4.0/legalcode> .gy.

### **8.1.9 le pilno**

ni'o pilno la'oi .GIMP. le nu zbasu le pixra .i la'oi .GIMP. tcexla .i ku'i za'a la'oi .GIMP. traji le ka ce'u xamgu pixra bo fingubni bo proga

ni'o pilno la'o gy. ed(1) .gy. le nu zbasu dei

ni'o la'oi .GIMP. je la'o gy. ed(1) .gy. bajra pe'a la'oi .OpenBSD.

## **8.2 le selji'i be fi le pixra**

ni'o le stizu poi ke'a selzutse la'oi .VUNC. cu claxu lo tcila

### **8.2.1 le stizu**

ni'o le nu le stizu tengu cu .ambigu'o cu rinka le nu le stizu poi ke'a se zutse la'oi .VUNC. cu claxu lo tcila .i le stizu se .enge cu se staile .i la .varik. cu mutce le ka ce'u nelci lo dijybaske po la'oi .Brutalism. .i ku'i krici le du'u le stizu cu mabla

## Chapter 9

la'oi .ITHINKWEREGO-  
INGCRAZY.



Figure 9.1: la'oi .ITHINKWEREGOINGCRAZY.

## **9.1 le pamoi be lo'i velski be le pixra**

ni'o zoi gy. BLOCKED BY SHODAN LEVEL SECURITY .gy.

### **9.1.1 lu mi viska ma li'u**

ni'o le pixra cu pixra le nu le xarpree be la .varik. cu smimlu la'oi .SHODAN. po la'o gy. *System Shock* .gy. le ka jorne lo jimsko kei je le ka selnunfirsku fi lo nutli

### **9.1.2 le tcika**

ni'o ji'i za'a le pavrelmasti cu vasru pe'a lo su'o pa pixra

### **9.1.3 le citri**

#### **le tsautu**

ni'o lo pamuki'oki'o nanca cu se puvza le nu la .varik. cu gubni le tsautu poi pixra le nu la'oi .VUNC. simlu la'oi .SHODAN. po la'o gy. *System Shock* .gy. le ke jorne lo jimsko

#### **le pamoi se troci se galfi**

ni'o la .varik. cu tolsti le nu galfi le tsautu lo jetnu pe'a pixra .i ku'i le nu la .varik. cu zbasu lo nurfu'i cu se purci snuti vimcu le datni be le cukmakyvelvei po le ralju skami po la .varik. .i ja'e lakne fa le pamoi versiio be le pixra cu cimni bo farcri pe'a

#### **le remoi se troci se galfi**

ni'o li papa pi'e vo pi'e renorepa cu detri le nu la .varik. cu tolsti le nu galfi le tsautu lo jetnu pe'a pixra je cu jmina lo tsautu poi nasevasru loi sirsunla lo samrxra be fi la'o gy. Scalable Vector Graphics .gy. .i snada le nu mulno le pruce

#### **le nu troci le nu jmina lo tcila**

ni'o li ji'i re pi'e xa pi'e renorepa cu detri le nu la .varik. cu galfi le samrxra be fi la'o gy. Scalable Vector Graphics .gy. lo samrxra be fi la'oi .XCF. je cu tolsti le nu jmina lo tcila .i le nu jmina lo tcila cu lidne le nu jmina lo jimsko kei ki'u zo'e

ni'o lo jetnu pe'a nabmi ku sotmei .i ku'i la .varik. cu nanelci le jalge be le nu jmina le tcila kei je cu zasysti le nu zbasu le pixra

### **le nu se snada jmina bo tcila**

ni'o li reze pi'e papa pi'e renorepa cu detki le nu la .varik. cu to'e zasysti le nu zbasu le pixra je ku'i cu ninke'u jivbi'o le du'u la'oi .GIMP. cumki kalci...pe'a

### **le nu mulgau le pixra**

ni'o li pa pi'e pare pi'e renorepa cu detni le nu la .varik. cu xusra le du'u le pixra cu selmulgau

#### **9.1.4 le nu le le pixra cu te gumgau**

ni'o ko'a goi la'oi .SHODAN. po la'o gy. *System Shock* .gy. velfi'i le pagbu be le pixra ku poi se finti fo ko'a .i ku'i la .varik. cu napilno lo pa versio be ko'a ca le nu la .varik. cu zbasu le pixra .i lo menli gumgau be ko'a po la'o gy. *System Shock* .gy. je ko'a po la'o gy. *System Shock 2* .gy. cu velfi'i le pixra ku'o fo la .varik.

#### **9.1.5 lo nu nitpiki**

ni'o lo nu nitpiki cu za'o se nelci

#### **9.1.6 le plijaspu**

ni'o le pixra cu selxrapra je cu selplijaspu la'o gy. CC BY-NC 4.0 .gy. .i le mulno tcidu po ti poi selplijaspu cu xabju pe'a la'o gy. <https://creativecommons.org/licenses/by-nc/4.0/legalcode> .gy.

#### **9.1.7 le pilno**

ni'o pilno la'oi .GIMP. le nu majgau le pixra .i la'oi .GIMP. xlatce .i ku'i zmanei la'oi .GIMP. la'oi .Krita.

ni'o ciska dei fo la'o gy. ed(1) .gy.

ni'o la'oi .GIMP. je la'o gy. ed(1) .gy. bajra pe'a la'oi .OpenBSD.

## **9.2 lo su'u cortu lo kanla**

ni'o so'u da poi prenu zo'u da xusra le du'u le nu da catlu la'oi .ITHINKWERE-GOINGCRAZY. cu se jalge le nu da cortu kei goi ko'a .i la .varik. cu jijyji'i le du'u lo prenu poi xusra ko'a cu du'eski ko'a ja cu bilma lo kanla se cortu kei ki'u le nu la .varik. cu na zatfa'i lo satci krasib le kanla se cortu

## 9.3 le se frati

ni'o le nu la'oi .ITHINKWEREGOINGCRAZY. nasopnelsei...cu cumki se krinu le nu zo'e poi velfi'i la'oi .ITHINKWEREGOINGCRAZY. rirci

### 9.3.1 le velski be le se frati

ni'o su'o da poi pixra fi la .varik. zo'u li ni'e ni lo prenu cu nelci la'oi .ITHINKWEREGOINGCRAZY. cu dubme'a li ni'e ni lo prenu cu nelci da

### 9.3.2 le cumki rinka be le nu na selnei

ni'o la .varik. cu jinvi le du'u le nu na nelci la'oi .ITHINKWEREGOINGCRAZY. cu cumki se krinu le nu zo'e poi velfi'i la'oi .ITHINKWEREGOINGCRAZY. rirci

**se lojysra 1.** *ni'o lakne fa le du'u lo so'u prenu cu nelci la'oi .ITHINKWEREGOINGCRAZY.*

*lojysra.*

ni'o ro da zo'u ro de poi pixra zo'u ro di poi prenu zo'u le du'u de velsitsku da cu nibyti'i le du'u di mulsmujmi de na ja cu se slabu de

ni'o ro da poi pixra zo'u le du'u lo so'u prenu ku mulsmujmi da cu nibyti'i le du'u lakne fa le du'u lo so'u prenu ku nelci da<sup>1</sup>

ni'o so'u prenu cu slabu la'o gy. *System Shock* .gy.<sup>2</sup>

ni'o la'oi .ITHINKWEREGOINGCRAZY. velsitsku la'o gy. *System Shock* .gy.

ni'o ja'e lakne fa le du'u lo so'u prenu cu nelci la'oi .ITHINKWEREGOINGCRAZY. □

---

<sup>1</sup>ni'o le tcidu cu se darsygau milxe bo senpi le pixra

<sup>2</sup>ni'o cumki fa lo nu zo so'u dukse le ka ce'u ruble

# Chapter 10

## la'oi .JUDASTRAINWRECK.



Figure 10.1: la'oi .JUDASTRAINWRECK.

## **10.1 le pamoi be lo'i velski be le pixra**

ni'o la .varik. cu jinvi le du'u le firxa'e cu melbi

### **10.1.1 le torveki**

ni'o su'o da poi papri bo pixra tsautu zo'u da binxo le vektori pixra poi binxo  
le pixra

ni'o le selci'a tanxe pe'a cu vasru lo tolce bo galfi notci poi pu selterbe'i la  
.varik.

ni'o le pixra cu selxrapra je cu selplijaspu la'o gy. CC BY-NC 4.0 .gy.

ni'o doi la'oi .lamer.<sup>1</sup> ko pilno la'oi .OpenBSD.

### **10.1.2 le pruce poi gasnu le nu le tsautu ku binxo le mulno pixra**

ni'o la .varik. cu majgau le pamoi tsautu ki'u le nu la .varik. cu djica le nu la  
.varik. cu terxra lo nasteci

.i la .varik. cu gasnu le nu le pamoi tsautu cu binxo le vektori pixra ki'u le nu  
la .varik. cu djica le nu la .varik. cu terxra lo trina

.i le nu la .varik. cu terxra le cabna pixra cu milxe se krinu le nu la .varik. cu  
djica le nu la .varik. cu ckasu lo prenu poi cusku lo bebna preti ja cu bebna  
pensi

### **10.1.3 le selci'a tanxe pe'a**

ni'o le selci'a tanxe pe'a vasru lo tolce bo galfi notci poi pu selterbe'i la .varik.

.i la .varik. cu fuktra la'o gy. SIDESHOW BOB .gy. le nu cmoni kei ba le nu  
la .varik. cu jdice le du'u le nu la .varik. cu ckasu le prenu je cu curmi le nu le  
prenu ku cmecau cu filri'a le nu cmila

### **10.1.4 le plijaspu**

ni'o le pixra cu selxrapra je cu selplijaspu la'o gy. CC BY-NC 4.0 .gy. .i le  
mulno tcidu po ti poi selplijaspu cu xabju pe'a la'o gy. <https://creativecommons.org/licenses/by-nc/4.0/legalcode> .gy.

### **10.1.5 le pilno**

ni'o pilno la'oi .GIMP. le nu majgau le pixra .i la'oi .GIMP. xlatce .i ku'i  
zmanei la'oi .GIMP. la'o gy. Krita .gy.

---

<sup>1</sup>ni'o cumki fa lo nu lu lo me'oi .lamer. li'u cu zmadu lu la'oi .lamer. li'u le ka mapti .i  
ku'i .arxivo

ni'o ciska dei fo la'o gy. ed(1) .gy.

ni'o la'oi .GIMP. je la'o gy. ed(1) .gy. bajra pe'a la'oi .OpenBSD.

## 10.2 le selji'i be fi la'oi .JUDASTRAINWRECK.

ni'o selji'i fi la'oi .JUDASTRAINWRECK. goi ko'a fa...

- le du'u ko'a .indika ko'e goi le du'u ko'a pixra lo mapra keitci kei ku ri'a le nu ko'a .indika le du'u le kerfa be ko'e cu dukse kei kei noi te toltu'i fi la .varik. ku'o je
- le du'u ko'a pixra le .ambigu kei noi te mltiu'i fi la .varik. ku'o je
- le du'u ko'a citmle kei noi no'e te tugni fi la .varik. ku'o je
- le du'u ko'a pixra le nu le sirsunla cu dukse zmadu le sirsunla poi ke'a nu du ri le ka gusni ce'u kei kei noi ke'a selji'i la .varik. ku'o je
- le du'u ko'a pixra le nu le cmlu sirsunla bo tcila be le zunle molmla bo me'oi .tuft. be la'oi .VUNC. cu na mapti le barda sirsunla bo tcila be le zunle molmla bo me'oi .tuft. be la'oi .VUNC. kei kei noi ke'a te tugni fi la .varik. ku'o vu'o po'o nai

### 10.2.1 le ctino

ni'o la .varik. cu jinvi le du'u cumki fa le nu ko'a goi la'oi .JUDASTRAINWRECK. dukse le ka ce'u vasru le ctino kei kei je le du'u ko'a dukse le ka ce'u manku

### 10.2.2 le su'u dukse zmadu se gusni

ni'o la .varik. cu jinvi le du'u la'oi .JUDASTRAINWRECK. pixra le nu lei sirsunla pe le kerlo cu dukse zmadu lei sirsunla pe le birka je zo'e le ka gusni ce'u

### 10.2.3 le xance

ni'o la'oi .JUDASTRAINWRECK. pixra le nu le xandegji be la'oi .VUNC. cu dukse le ka ce'u tordu .i la'e di'u xajmi la .varik. .i le xandegji be la'oi .VUNC. cu na dukse le ka ce'u tordu



Figure 10.2: gubgau le versiio be la'oi .JUDASTRAINWRECK. ku poi na pixra le birka be la'oi .VUNC.

### 10.3 le da'a versiio be le pixra

#### 10.3.1 la'o pixrycmene. JUDASTRAINWRECK-NOHANDLEBARS .pixrycmene.

ni'o la'o gy. JUDASTRAINWRECK-NOHANDLEBARS .gy. cu versiio la'oi .JUDASTRAINWRECK. je cu na pixra le birka be la'oi .VUNC.

# Chapter 11

**ko'a goi la'oi  
.THROWTHOSEPIC-  
TURESDOWNTHELANE.**

## 11.1 le pixra

## 11.2 le pamoi be lo'i velski be le pixra

### 11.2.1 le torveki

ni'o la .varik. cu gasnu le nu fanmo le nu la .varik. cu zasysti le nu la .varik. cu terxra kei kei je cu gubyternoi .ui le cnino pixra

ni'o pixra le nu la'oi .VUNC. renro le me'oi .discus. poi cizra je cu xunre je cu kinli je cu te ciska le me'oi .lambda. poi to'alfu

ni'o la .varik. cu zbasu le pixra ki'u le nu la .varik. cu djica le nu la .varik. cu salci le nu la .varik. cu tolri'ugau le se zbasu be la .varik...je cu tervenynoi la'oi .Matel.

ni'o le nu jmina lo srasu le pixra

ni'o la'o gy. public domain .gy. vasru le pixra...je ro le pixra be fi la .varik.

ni'o ranji fa le nu la .varik. cu tervencpe lo nu nitpiki

ni'o la .varik. cu pilno la'oi .GIMP. je la'oi .OpenBSD. je .oiru'e .u'i le me'oi .trackpad.



Figure 11.1: ni'o dei poi me'oi .caption. cu na vasru lo se xamsku

### 11.2.2 le fanmo be le nu zasysti

ni'o la .varik. cu bilma je cu fiba le nu li renorere pi'e nore detri le nu la .varik. cu terxra kei kei ba le nu la .varik. cu gubyternoi le cnino pixra .i ti poi cnino pixra cu se cmene zo'oi .THROWTHOSEPICTURESDOWNTHELANE.

### 11.2.3 le velski be le pixra

ni'o la'oi .THROWTHOSEPICTURESDOWNTHELANE. pixra le nu la'oi .VUNC. renro le me'oi .discus. poi .ue'e sinxa la'oi .Matel. noi samru'e je cu se zbasu la .varik. .i lo prenu poi ke'a goi ko'a zo'u cumki fa le nu la'oi .Matel. cinri ko'a kei ku ku goi ko'a milxe gleki le nu ko'a djuno le du'u la'oi .Matel.  
<https://github.com/varikvalefor/matel> zdani pe'a le samselpla po la'oi .Matel.

#### **11.2.4 le mukti**

ni'o la .varik. terxra fi la'oi .THROWTHOSEPICTURESDOWNTHELANE.  
ki'u le nu la .varik. cu djica le nu la .varik. cu salci le nu la .varik. cu renro pe'a  
la'oi .Matel. la'o gy. public domain .gy....kei kei je zo'e

#### **11.2.5 le srasu**

ni'o le pixra cu pixra le srana je zo'e .i rirci fa le nu la .varik. cu terxra fi lo  
srana

ni'o la .varik. cu pu zu jmina le srasu le pixra

ni'o la .varik. cu troci le nu la .varik. cu jmina le srasu le pixra kei le nu la .varik.  
cu pilno le te galfi fi la .varik. fe le tadji be le nu la .varik. cu pixra loi sirsunla  
kei ku ku ku le nu terxra le srasu le pixra .i la .varik. cu na mutce le ka jinvi  
fi le jalge be le nu la .varik. cu pilno le te galfi...kei kei ku'i je cu jinvi le du'u  
lakne fa le nu le jalge cu tcemlixau

#### **11.2.6 la'o gy. public domain .gy.**

ni'o la'oi .THROWTHOSEPICTURESDOWNTHELANE. vasru la'o gy. public  
domain .gy. je cu se plijaspu la'oi .Unlicense. noi se skicu la'o gy. <https://unlicense.org> .gy.

.i la .varik. cu radji'i le du'u li ni'e ni la'oi .Unlicense. mapti lo samru'e cu  
zmadu li ni'e ni la'oi .Unlicense. mapti lo pixra .i ku'i la .varik. cu pilno la'oi  
.Unlicense. ki'u le nu la .varik. cu nelci le nu la'oi .Unlicense. tordu kei je cu to'e  
nelci le nu la'oi .CC0. je zo'e cu clani

.i ji'a ro le pixra poi pu se gubyternoi la .varik. cu pu binxo lo se plijaspu be  
la'oi .Unlicense.

.i ji'a ji'a so'e lo se zbasu be la .varik. cu se renro pe'a fi la'o gy. public domain  
.gy.

#### **11.2.7 lo nu nitpiki**

ni'o la .varik. cu tervencpe lo nu nitpiki le pixra kei ku poi ke'a goi ko'a zo'u  
cumki fa le nu la .varik. cu pilno ko'a

.i si'a la .varik. cu na djica lo nu tcila claxu to'e nitpiki

.i lo'i mupli poi ke'a goi ko'a zo'u cumki fa le nu la .varik. cu pilno ko'a cu se  
vasru lu mi to'e nelci ti li'u noi selfismu lu mi to'e nelci le se pixra li'u je lu mi  
to'e nelci le pixra li'u

### **11.2.8 le pilno**

ni'o .uecu'i la .varik. cu pilno la'oi .GIMP. je la'oi .OpenBSD. je .u'i ko'a goi le me'oi .trackpad. poi mutce milxe le ka mabla ku'o le nu la .varik. cu terxra fi la'oi .THROWTHOSEPICTURESDOWNTHELANE. .i le nu pilno ko'a le nu terxra cu fi te prali le nu lebna lo xamgu sevzi cusku noi se cinri no lo prenu

## **11.3 le selji'i be fi ko'a**

ni'o jinvi...

- le du'u ko'a pixra le nu le srasu cu smimlu loi sirsunla kei kei je
- le du'u ko'a pixra le nu le kanla be la'oi .VUNC. cu claxu lo tcila kei kei je
- le du'u ko'a pixra le nu le birka be la'oi .VUNC. cu dukse le ka ce'u clanli'u kei kei je
- le du'u ko'a pixra le nu le loldi cu dukse le ka ce'u xekri kei kei je
- le du'u ko'a pixra le nu le srasu poi sarno le kacma pe'a cu dukse le ka gusni ce'u kei kei je
- le du'u ko'a pixra le nu le tuple be l'oi .VUNC. cu dukse le ka ce'u tordu kei kei je
- le du'u ko'a pixra le nu le dizlo zunle kinli be le nercreka pe'a po la'oi .VUNC. cu dukse le ka ce'u galtu kei kei je
- le du'u ko'a pixra le nu le zunle tuple be la'oi .VUNC. cu dukse le ka viska ce'u kei kei je
- le du'u ko'a pixra le nu le selxra xarpre cu smimlu lo sampre kei kei je
- le du'u ko'a pixra le nu le stedu cu dukse le ka ce'u cmalu kei kei je
- le du'u ko'a pixra le nu le xance cu dukse le ka ce'u barda kei kei je

### **11.3.1 le selji'i be la .varik. bei ko'a**

ni'o la .varik. cu cfifa'i fi la'oi .THROWTHOSEPICTURESDOWNTHELANE. fe...

- le du'u la .varik. cu jinvi le du'u le srasu poi se pixra ko'a cu smimlu loi sirsunla kei kei je
- le du'u ko'a pixra le nu le kanla be la'oi .VUNC. cu claxu lo tcila

### **le ka le srasu cu smimlu loi sirsunla**

ni'o la .varik. cu jinvi le du'u ko'a pixra le nu le srasu cu smimlu loi sirsunla kei kei je le du'u lakne le nu le ka ce'u smimlu loi sirsunla cu se rinka le nu le pu'u la .varik. cu terxra le srasu cu smimlu le pu'u la .varik. cu terxra loi sirsunla .i ku'i la .varik. cu cpedu lo selji'i be lo prenu poi na du la .varik. bei fi le srasu poi se pixra ko'a

### **le du'u ko'a pixra le nu le kanla be la'oi .VUNC. cu claxu lo tcila**

ni'o ko'a vasru pare ki'o ki'o le vidnysle<sup>1</sup> ...je ku'i cu claxu lo tcila be ro le kanla be la'oi .VUNC. ku goi ko'e .i sa'unai ko'a pixra le nu ko'e claxu lo selvi'a blutu'u je le me'oi .striation. pe le kalca'osrumu'a .i la .varik. cu jinvi le du'u dapma fi le nu ckaji le ka ce'u mo'isti

#### **11.3.2 le selji'i be lo na du be la .varik. be'o bei ko'a**

ni'o le su'o prenu cu cfifa'i zo'e ko'a .i la'e di'u pluka la .varik. .i le torveki be le su'o selji'i cu se mupli...

- lu le birka be la'oi .VUNC. cu dukse le ka ce'u clani li'u je
- lu le loldi cu dukse le ka ce'u xekri li'u je
- lu le srasu poi darno le kacma pe'a cu dukse le ka gusni ce'u li'u je
- lu le tuple be la'oi .VUNC. cu dukse le ka ce'u tordu li'u je
- lu le dizlo zunle kinli be le nercreka pe'a po la'oi .VUNC. cu dukse le ka ce'u galtu li'u je
- lu le zunle je tuple be la'oi .VUNC. cu dukse le ka viska ce'u li'u je
- lu le selxra xarpre cu smimlu lo sampre li'u je
- lu le stedu cu dukse le ka ce'u cmalu li'u je
- lu le xance cu dukse le ka ce'u barda li'u

### **lu le birka be la'oi .VUNC. cu dukse le ka ce'u clani li'u**

ni'o le su'o prenu cu xusra ko'e goi le du'u ko'a pixra le ka ce'u clani cu se dukse le birka be la'oi .VUNC. .i la .varik. cu milxe le ka ce'u tugni fi ko'e...kei je ku'i cu jinvi le du'u lakne fa lo nu le su'u le birka cu clani cu jalge tu'a le .asna poi ko'a pixra le nu ke'a .asna la'oi .VUNC. ku poi se pixra ko'a .i ku'i la .varik. cu radji'i le du'u cumki fa le nu ko'a pixra le nu le birka be la'oi .VUNC. cu dukse le ka ce'u clani

---

<sup>1</sup>.i je'au le pixra cu vasru le remu ki'o ki'o vidnysle .i ku'i vasru le toldra ki'u le nu nurbe'i

**lu le loldi cu dukse le ka ce'u xekri li'u**

ni'o le su'o prenu cu xusra ko'e goi le du'u ko'a pixra le nu la'oi .VUNC. cu sanli le dukse be le ka ce'u xekri .i la .varik. cu toltu'i fi ko'e ki'u le nu la .varik. cu se tolsnuti le nu tcetcetcexekri fa le se sanli be la'oi .VUNC.

**lu le srasu poi darno le kacma pe'a cu dukse le ka gusni ce'u li'u**

ni'o le su'o prenu cu xusra ko'e goi le du'u ko'a pixra le nu le srasu poi ke'a darno le kacma pe'a cu dukse le ka gusni ce'u kei kei kei je ko'i goi le du'u xamgu fa lo nu da'i le srasu cu to'e gusybi'o .i la .varik. cu milxe le ka ce'u tugni fi ko'e je ko'i

**lu le tuple be la'oi .VUNC. cu dukse le ka ce'u tordu li'u**

ni'o le su'o prenu cu xusra ko'e goi le du'u ko'a pixra le nu le tuple be la'oi .VUNC. cu dukse le ka ce'u tordu .i la .varik. cu toltu'i fi ko'e ca le nu la .varik. cu ciska dei kei ki'u le nu la .varik. cu nelci le parbi be le ni le tuple be la'oi .VUNC. cu clani bei le ni le torso be la'oi .VUNC. cu clani

**lu le dizlo zunle kinli be le nercreka pe'a po la'oi .VUNC. cu dukse le ka ce'u galtu li'u**

ni'o le su'o prenu cu xusra ko'e goi le du'u ko'a pixra le nu fo'a goi le dizlo je zunle kinli be le nercreka pe'a po la'oi .VUNC. cu dukse le ka ce'u galtu kei kei kei je ko'i goi le du'u cadga fa le nu ciska pe'a fo'a le zunle zaglamtu'e be la'oi .VUNC. .i la .varik. cu tugni fi ko'e je ko'i

**lu le zunle poi ke'a tuple la'oi .VUNC. cu dukse le ka viska ce'u li'u**

ni'o le su'o prenu cu xusra ko'e goi le du'u ko'a pixra le nu ko'o goi le zunle poi ke'a tuple la'oi .VUNC. cu dukse le ka viska ce'u ge'u je ko'i goi le du'u cadga fa le nu fo'a pixra le nu ko'o trixe le pritu poi ke'a tuple la'oi .VUNC. .i la .varik. cu tugni fi ko'e je ko'i

**lu pixra le nu le xarpre cu smimlu lo sampre li'u**

ni'o le su'o prenu cu xusra ko'e goi le du'u ko'a pixra ko'i goi le nu la'oi .VUNC. se .asna fi le ka ce'u dukse tinsa je sampre pe'a .i la .varik. cu milxe tugni fi ko'e...je ku'i cu xusra le du'u ko'i cu kakne lo nu se xamsku je cu sрана lo nu lo su'o prenu cu xamsku le du'u la .varik. cu sampre

**lu le stedu cu dukse le ka ce'u cmalu li'u**

ni'o le su'o prenu cu xusra ko'e goi le du'u ko'a pixra le nu le stedu be la'oi .VUNC. cu dukse le ka ce'u cmalu .i la .varik. cu tugni fi ko'e...jenai cu mutce le ka ce'u tugni fi ko'e

**lu le xance cu dukse le ka ce'u barda li'u**

ni'o le su'o prenu cu xusra ko'e goi le du'u ko'a pixra le nu le xance be la'oi .VUNC. cu dukse le ka ce'u barda .i la .varik. cu tugni fi ko'e ki'u le su'u ga je la .varik. cu te cadga fi lo nu pixra lo nu le xance be la'oi .VUNC. cu mleca le stedu be la'oi .VUNC. le ka ce'u barda gi la .varik. cu jinvi le du'u ko'a pixra le nu le xance be la'oi .VUNC. cu zmadu le stedu be la'oi .VUNC. le ka ce'u barda